

Erindisbréf fyrir fræðslunefnd

Almennt

1. gr.

Undir yfirstjórn bæjarstjórnar fer fræðslunefnd Hveragerðisbæjar með fræðslu- og skólamál eftir því sem nánar er kveðið á um í lögum og í erindisbréfi þessu.

Skipan nefndar, kjörtímabil og trúnaðarskylda

2. gr.

Fræðslunefnd er skipuð fimm fulltrúum og fimm til vara, kosnum af bæjarstjórn. Einnig kýs sveitarfélagið Ölfus tvo fulltrúa í nefndina með málfrelsi, tillögu- og atkvæðisrétt í málefnum leikskóla og grunnskóla. Kjörtímabil nefndarinnar er það sama og bæjarstjórnar. Nefndin skal halda gerðabók og skulu fundargerðir hennar sendar bæjarstjórn til staðfestingar. Fulltrúar í fræðslunefnd skulu gæta þagmælsku um einkamálefni fólks sem fjallað er um á fundum nefndarinnar. Fulltrúi skal víkja af fundi, og kalla til varamann, tengist hann einstaklingum eða málum sem fjallað er um í nefndinni eins og leiðbeint er um í 20. gr. sveitarstjórnarlaga nr. 138/2011

Fundarhöld

3. gr.

Um starfshætti fastanefnda Hveragerðisbæjar er fjallað í VI. kafla Samþykktu um stjórn Hveragerðisbæjar og skal ákvæðum kaflans fylgt eftir því sem við á.

Fræðslunefnd skal halda fundi svo oft sem þurfa þykir, þó ekki sjaldnar en sex sinnum á ári. Formaður stýrir fundum nefndarinnar og tekur á móti erindum og málum sem leggja á fyrir nefndina. Hann útbýr skriflegt eða rafrænt fundarboð og sér um boðun funda með að lágmarki tveggja sólarhringa fyrirvara. Heimilt er að boða aðra á fundi nefndarinnar til viðræðna um tiltekin mál. Nefndin skal skrá móttækin erindi og afgreiðslu þeirra.

Hlutverk

4. gr.

Hlutverk fræðslunefndar er:

-að gera tillögur til bæjarstjórnar um markmið og stefnu í fræðslumálum og hafa eftirlit með að samþykkt markmið bæjaryfirvalda í fræðslumálum á hverjum tíma ná fram að ganga.

-að hafa eftirlit með stofnunum bæjarins sem vinna að fræðslumálum og fylgjast með að þær vinni að settum markmiðum, í samræmi við lög, reglugerðir og kjarasamninga og veiti góða þjónustu.

- að fylgja því eftir að öll skólaskyld börn, sem rétt eiga á skólavist í Hveragerði, njóti lögboðinnar fræðslu.

-Að hafa eftirlit með og stuðla að því að skólunum sé tryggður aðgangur að sérfræðipjónustu í samræmi við gildandi lög og reglugerðir.

-að gera tillögur til bæjarstjórnar um stefnu í málefnum innflytjenda með áherslu á fræðslu og upplýsingagjöf.

-að leggja mat á þá þjónustu sem veitt er á vegum sveitarfélagsins í fræðslumálum og að fjalla um þau erindi sem berast vegna þjónustunnar.

-að fara yfir tillögur forstöðumanna að fjárhagsáætlun hvers árs hvað varðar þá liði sem falla undir verksvið nefndarinnar og gæta þess í ákvörðunum sínum að halda áætlanir.

-að vera bæjarstjórn að öðru leyti til ráðgjafar í fræðslumálum.

Verkefni

5. gr.

Verkefni fræðslunefndar eru:

-að fara með þau verkefni sem skólanefnd eru falin samkvæmt lögum um grunnskóla, nr. 91/2008.-að fara með verkefni sem leikskólanefnd eru falin samkvæmt lögum um leikskóla, nr. 90/2008.

-að eiga samstarf við Skóla- og velferðarþjónustu Árneshöfna um fræðslumál og vinna að sameiginlegum verkefnum á sviði fræðslumála.

-að fara með tónlistarmenntun í samræmi við lög um fjárhagslegan stuðning við tónlistarskóla nr. 75/1985.

-að vinna að öðrum þeim verkefnum sem bæjarstjórn felur nefndinni á hverjum tíma.

Fundargerðir, ákvarðanir og eftirfylgni

6. gr.

Fulltrúar skólastjóra grunnskóla og leikskóla sitja fundi nefndarinnar með málfrelsi og tillögurétt og eru jafnframt ráðgjafar nefndarinnar. Aðstoðarskólastjóri eða staðgengill skólastjóra sér um ritun fundargerða, nema nefndin ákveði annað og sendir afrit fundargerða til bæjarstjórnar. Formaður undirbýr fundi í samráði við aðstoðarskólastjóra sem sendir út fundarboð og yfirmann fræðslumála (bæjarstjóra) sem sér um að framkvæma ákvarðanir nefndarinnar eftir að bæjarstjórn hefur staðfest þær.

Ályktanir og fjárveiting
7. gr.

Ályktanir fræðslunefndar, sem hafa önnur fjárútlát í för með sér en tilgreind eru í fjárhagsáætlun Hveragerðisbæjar skulu hljóta samþykki bæjarstjórnar.

Réttindi og skyldur fulltrúa
8. gr.

Um réttindi og skyldur fulltrúa í fræðslunefnd gilda ákvæði sveitarstjórnarlaga og Samþykktar um stjórn Hveragerðisbæjar, eftir atvikum.

Fulltrúa er skylt að sækja fundi nema lögmæt forföll hamli. Hann skal láta formann vita um forföll með góðum fyrirvara og boða staðgengil sinn.

Hver fulltrúi á rétt á að koma máli á dagskrá fundar, enda skili hann efni þess til formanns a.m.k. þremur sólarhringum fyrir fund.

Fundarmenn skulu hafa hag sveitarfélagsins að leiðarljósi við störf sín í nefndinni og eru atkvæðisbærir fundarmenn ekki bundnir af öðru en sannfæringu sinni, lögum og samþykktum um stjórn og fundarsköp Hveragerðisbæjar í atkvæðagreiðslu um málefni á vegum nefndarinnar.

Fundarmenn eru bundnir þagnarskyldu vegna mála, sem þeir fá vitneskju um í starfi sínu fyrir ráðið og ætla má að leynt eigi að fara samkvæmt eðli máls eða lögum. Þagnarskylda helst þó látið sé af störfum.

Um sérstakt hæfi nefndarmanna og áheyrnarfulltrúa gilda ákvæði sveitarstjórnarlaga. Fulltrúi skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn svo mjög að ætla má að það móti viljaafstöðu hans að einhverju leyti. Honum er þó heimilt að gera stuttlega grein fyrir afstöðu sinni áður en hann víkur af fundi.

Upplýsingaskylda, fjárreiður og aðrar samþykktir
9. gr.

Fræðslunefnd skal upplýst um framkvæmd þeirra liða fjárhagsáætlunar sem undir verksvið nefndarinnar fellur svo og stofnunum og eignum sem bæjarstjórn felur nefndinni að fjalla um.

Forstöðumenn bera ábyrgð á rekstri stofnana sem heyra undir nefndina og starfsfólk bæjarskrifstofu annast fjárreiður og reikningshald.

Fræðslunefnd skal að öðru leyti starfa á grundvelli samþykktar um stjórn og fundarsköp Hveragerðisbæjar og sveitarstjórnarlaga.

*Önnur ákvæði og meðferð mála
10. gr.*

Séu ákvæði í lögum, samþykktum bæjarins eða samstarfssamningum um seturétt aðila utan nefndarinnar, þegar um mál þeim tengd er fjallað, skal þess gætt að þau ákvæði séu uppfyllt.

Nefndin skal ávallt gæta ákvæða stjórnarsýslulaga við meðferð mála.

Hveragerði 13. september 2018


Aldís Hafsteinsdóttir
Bæjarstjóri

